



鄭少谷先生全集卷四

閩中鄭善夫繼之著

後學鄭奎光章甫訂

五言律詩

發京邑迷路投宿黑庄

東省多年病南冠  
百念灰關山一悵  
望天漢獨歸來  
行野蒲稗晚過村  
笳鼓哀迷途更幾  
許愁絕望鄉臺

夜入魯北鄙

不見黃花面，淒其白鴈前。  
清渠接淮泗，衰草入幽燕。  
月露猶團夜，兵戎更積年。  
歸途不可極，賫夢歲寒天。

放船

柂樓下急浪，去險在毫端。  
已識篙師巧，方憂蜀道難。  
此溪防罔象，何日避風湍。  
頗羨玄真子，清時把釣竿。

泗上

總總衣冠地，方冬生事繁。  
牛羊散迥野，煙火接長村。  
薙藿農人聚，分瓜稚子喧。  
如何惡官府，鑿破此淳源。

對湖二首

擘擘玄陰日，團團照水隈。  
鯨波動霄漢，鼉鼓挾風雷。  
地盡青山杳，天寒白鳥回。  
輕帆未相失，自此訪蓬萊。

其二

遠水明如鏡，平林渺欲迷。  
天多足鴻鴈，沙暖定鳧鷖。  
秋事關身世，湖聲避鼓鼙。  
老漁吾愧汝，曼

衍聽天倪

過彭城懷舊二首

自有干戈後年年向此過乾坤未解甲江海且  
增波拊劔心逾壯經時鬢易皤渭南無夢到終  
是臥煙蘿

其二

憶昔此避地諸君慰我多別來淹日月望爾邈  
山河灑淚山陽笛關心隴水歌猶聞殺長吏飄  
泊復如何

呂梁

葱嶺崑崙外呂梁天地間溯騰終赴海咆吼欲  
頽山力轉魚龍窟秋生虎豹關平生歷險阻對  
此淚潸潸

悼劉宓

宓也歸何處營魂不可招只疑天地濶竟作死  
生遙苦海風濤壯炎方罔兩驕傷心臥佛寺秋  
雨自蘭茗

得思道消息二首

聞汝還家後逢時俶擾初艱難仍被寇墨經却  
離居邊徼猶多故山園未可鋤棠陵幸襄事亦  
得慰區區

其二

近逢黃吏部報爾在三衢志士傷泥滓南州困  
狹偷時危離索久歲晚帛書無却憶吳門約蕭  
條愧病夫

聞開化用兵寄思道

舊是桃源地如何喪亂滋荷戈連老少流血滿  
潢池蜀道奔惟汝荊州仗有誰尊翁在垂白莫  
遣怨流離

牛首

牛首有佳致方冬亦自奇同雲封地軸積雪糝  
松枝谷響傳鐘磬山昏泣罔魑憑高俯王土何  
意有旌旗

臘

南州不待律臘後暖相催久客惜殘歲他時聞  
落梅家家斗酒會何處短笳哀却憶江西北漁

樵戍未回

歸來

不作東曹屬歸來巾屨幽豈能効舐痔聊且避  
犧牛玉木深防病瓶罍未省憂此邦蝦菜賤家  
室斬

進衣

何處避冰雪頻懷負日暄未衰筋力憊獨立布  
衣存列子愁居鄭袁安早閉門粵南多爽氣歸  
去牧鷄豚

兵起

自有西江亂流民起帶刀操差盡孺弱殺戮到  
耆髦虜馘時猶獻軍需日更騷長纓未得請無  
計洗腥臊

錢塘

萬山赴海國衆水匯錢塘王氣千年歇湖聲八  
月長世傳渾罔兩天巧亦荒唐稍待涼風發乘  
槎問彼蒼

卽事

卽事春相近回船日日操微陽畱朔雪久旱失  
溪毛衢府風煙改常山斥堠高危途疲舊客泪  
汨向蓬蒿

漫興

日月隨人事溪山共客情水清魚避影松靜鶴  
畱聲粉梓怡前輩文章達後生時聞扣牛角猶  
愧似要名

嚴州

小傳清江並孤城碧嶂防土宜多竹栢民業但  
耕桑稻熟還官得深山伐木長經過戴州郡淳  
朴見茲鄉

梨關

梨關不可上戰格屹雲端閩浙乾坤別風煙道  
路難隄防莫斃廢戎馬未全安謾想先皇日  
車書達百蠻

送王參知赴闕

大叅行赴闕興落富春前六月樓船雨千山傳  
馬煙白雲畱故國綵服媚南天知爾寧親後屏

營金鑑篇

畫鷹

似欲飛騰起星眸勢可招平生  
酣白戰遠志碍青霄竹兔何愁得  
林貍不敢驕無由配鸞鳳勿  
以比鴟梟

憶近夫

吳門相失後書札各茫然巢父終東去  
劉郎重北遷雙鳧赴魏闕獨鶴下青田  
未見風塵淨懷君涕淚邊

汨汨

汨汨傷秋鬢依依欲暮年釣磯滄海上  
布被白湖邊避地親朋棄憂時夢寐牽  
無家杜陵老且結草堂緣

梧兒初學語

梧兒生六月孩笑識人情得汝愁俱破  
于人眼盡青鬢時聞學語何日見趨庭  
爾祖能看我回頭涕泗零

伏雨



瀝瀝猶鳴旦淒淒欲作寒晚禾翻惡濕后土故  
長乾敝屋久僵臥凶年甘糲殍持觚向人世未  
得脫艱難

至日

至日風色好粵南霜信遙地卑饒瘴氣春近苗  
寒條汶水昔獨往淮南誰見招林棲歲華晏難  
免鬢蕭蕭

冬日草堂小集

近郭風霜淺寒天草木稠敝廬元僻野高馬漫  
淹留豈是草玄宅能迴訪雪舟生逢 聖明世  
未敢杜交游

喜吾惟可訪少谷兼懷方令

舊國冥心久良朋見面初同爲避地客獨叩草  
玄廬花鳥三春暮乾坤百戰餘邇來方拙牧衰  
疾復何如

烏石惟可同遊

道山秀盤石春半更嬋媛海水雙江入巖花二  
月繁衰容防草昧故老問桃源憐爾南遊思風

煙數斷魂

寒食

至後百五日堂齋風雨深越鄉寒作食溟海氣  
長陰身事南陽役神京北望心采薪纏日月髮  
已不勝簪

早秋龍門舟中

艤子小於葉早秋江上行風波千古轉天地幾  
時平病骨憐滄海凡才耻 聖明不眠聞短吹  
故國亦飄零

宿象山西塢二首

亂木藏幽鳥清商集古城暝煙分野意山鬼習  
人聲未把桐川釣聊爲潁水耕巖棲備寂寞儻  
得遇初平

其二

秋雲不稱意膚寸每成霖漏日翻東壁隨風濕  
遠岑腰鎌野外急燐火晚來深入夜增蕭索千  
林猿狔吟

寄潘逸老

東湖潘逸老守晦十餘年久病文園枕長貧杜  
曲田形骸非故我天地有真詮願汝支離德閒  
居讀內篇

海濱書所見

北里萬餘戶漁樵更種田打魚乘水得伐木上  
山便禾黍棲南畝牛羊被遠阡生涯未爲少何  
意盡顛連

臥病少谷山中

伏枕東山晚閉門黃葉幽竹書遺問歲蟬語易  
深秋散地朋情見明時家食羞唯應習農圃草  
野得淹畱

今夕

薊門城下月今夕定如何白骨凌沙礫黃塵控  
駱駝羽書疲傳置胡馬失關河 天子方宵旰  
孤臣淚已多

授衣

秋草倏已歇鳴蛩欲近牀北風吹鬢髮九月進  
衣裳抱病仍多事逃空未損光黑貂今久敝搖

落歲寒妨

岳上送時行赴闕二首

王粲江湖興幡然爲國謀故山隨意去殘照尚  
誰畱身事齊門怨天家漆室憂蕭條倍憐汝歲  
晚拂吳鈞

其二

念爾復赴闕迢迢思昔年鷄盟盡豪杰天論老  
風煙病向滄江臥書無白鴈傳平生鸚鵡賦萬  
一故人憐

草堂

歲事日將晏草堂今苟完天風吟竹葉海月皓  
柴門藜莧還高志經綸有故園何能謝貧賤氛  
稔在乾坤

寄林荆門

暮年滄洲客慟哭向窮途春草生歸思秋風慰  
病夫青氈後命達白髮此身癯八月衡山去期  
君出五瀦

答安黃門

憐君下峽水寄我郢中吟白雪音調遠黃牛風  
浪深林丘心獨苦歲月病長侵膠漆知何地迢  
迢鴻鵠心

讀鸚鵡賦

讀罷鸚鵡賦吾憐禰正平識機寧入網遠害轉  
傷生名在心形累時危鼎俎烹異時一掬泪灑  
向武昌城

江上別道宗兼懷何仲默

却向江頭別潸然感物華林泉移歲月霄漢變  
雲霞伏劔亦駭俗出門寧顧家寄言河水部遲  
爾折梅花

挽王生

吾鄉論後進爾最擅詞場十八人間世三千弟  
子行轅駒未竟步石火不餘光憶昔邢居實秋  
風太恹傷

送伍方伯入覲

尊翁吾從祖同第甲申年論世鯁生願通家令  
子賢春風虛木榻王事重樓船命薄徐高士栖

栖不受憐

聞濤

漲海饒孤寐春山淹去歸魚龍永夜急波浪遠  
天違孤志存舟楫清時臥釣磯塵機久已息何  
事白鷗飛

中秋同高宗呂傳木虛城東步月有懷京

華舊遊

朗月團秋社涼風薄歲寒故鄉誰獨健永夜此  
同看隣遂傷今昔山杯盡肺肝長安舊朋侶搔

首五雲端

南關

度隴心忽折殊方梅柳春兵戈近滿眼書劍老  
隨身世有阮籍淚道應原憲貧愁聞更選士東  
土已風塵

金山紀遊二首

雙眼無空濶長江會白靈吳門對海定淮樹貼  
天青鐘動鼉鼉窟雲生鶴鶴庭中流有孤志鼓  
柁下滄溟

其二

灑灑中泠水東遊與散愁樓臺通海霧歲月送  
江流好事憐司馬逃空想惠休獻花緣尚淺心  
折過揚州

不寐

客思苦不寐驚心豺虎喧羽書秋後捷鬼哭夜  
深魂歲月消殘燹風煙失故揚彭城有弟妹締  
絡念溫存

阻濟上

叔伯何多日關山烽火明病妨風土惡身與歲  
時征喪亂懷先帝艱危有我生向來劉越石  
意氣不能平

懷金山

我愛金山寺洪波萬頃開乾坤畱柱石滄海失  
蓬萊曝日鼉鼉出搏風鸛鶴迴中泠洗心處極  
目意悠哉

此夕

時危長伏枕月好自臨關斥堠連吳越煙塵犯

海山民窮久欲亂師老未成班此夕姑蘓酒酣  
歌不破顏

雙鴈

雙鴈爲人得堦前相向鳴已辭關塞遠猶帶網  
羅驚宦情一片影客淚五更聲側目窺秋隼風  
煙異性情

對雪答太白山人

天地忽改色六花風亂投翛然翠袖薄加我草  
堂幽照水梅自媚閉門君不憂玄機正無極將  
汝醉鄉遊

歲暮哭近夫二首

南國青瑣闥東山白板扉三年不相見兩地思  
依依遂有幽明隔誰云夭壽微江東送望眼空  
復暮雲飛

其二

寧知是永別七月有書來卽死還憂國皇天亦  
妬才世衰元氣散君逝玉山頽滄海垂綸客冥  
心若死灰



海門

落日綿亭嶺茫茫何所之山川淪沆漭天地撤  
藩籬脫屣未相失放瓢聊自怡扶桑弱水外東  
望拂虹蜺

將至鯉湖道上

瑤宇青峰頂芒鞋白鳥邊風泉轟九鯉雲木薄  
諸天尚子終當去龐公最可憐玄房今夕裏磬  
咳接羣仙

鯉湖三首

到此意了了春湖接未妨薄雲長戀洞名草不  
辭香月色寒侵閣灘聲夜近牀濯纓吾志定東  
下接滄浪

其二

鐵嶂垂天塹石門修水關古松蟠極地小鳥立  
驚湍玉笛何由聽真乘未卽安芝田會心處漫  
憶紫金丹

其三

何處遁天發煙霄首獨搔山川進奇崛天地入

蕭騷病骨憐芳草煩心愧白袍東隅紫氣盛偏  
薄上仙曹

春日經白沙王氏庄

王子躬耕處柴門碧樹團雲松飛鶴鶴風澗引  
波瀾父老壺觴得兒童禮數寬西坡水麥熟麋  
鹿下安安

寄王時行僉憲二首

隱約王僉憲爲官近越州久無烽火警能把甲  
兵休清遠神仙所君王錫宴遊時平占福地不  
用覓丹丘

其二

囊山分手去正值暮春時蒲柳看衰颯風塵且  
別離嶺南人事少海上鴈書遲炎瘴還消息無  
勞罷酒卮

寄克之華亭

鼇峰衰病至歲月莽蹉跎不識松江曲鱸蓴意  
若何朋情音問濶師道課程多預報經過日秋  
風偃敗荷

寄鄭方伯山齋

昔日莆陽役春山共採芝鄭虔猶逐客賈傳自  
明時潦倒鶯花切提携酒饌隨難忘何氏宅汎  
愛木蘭陂

聞汀漳罷兵二首

整整汀漳戍羣兇復聽招頻聞洗兵馬不見返  
漁樵猥偷終難狎貔貅漫獨驕 皇情近憂豁  
氛祲若爲銷

其二

羽書傳上國牙帳擁諸侯別峒分戎馬前鋒失  
火牛果誰知要害湧爾歷春秋只道書生策能  
分 主上憂

同林九高二傳二施二避暑越王城樓

長夏升炎莽高城遁鬱蒸河隍虛雉堞雲日造  
松陵不去稽康達同遊賈島能愧無隣舍酒率  
爾集良朋

見二毛

去國星霜變違時老憊成荒迷一身在汨沒二

毛生世短思飛鳥途窮乞步兵昏塵干氣象溝壑未忘情

將別

多事晉安郡浮生未息機草堂存下着花徑罷  
初衣江海形容在 君王夢寐稀隆中棄汝去  
勛業願無違

白袍

白袍存皎潔傍爾竹林人安得綠玉杖長隨烏  
角巾莊生書是憤阮瑀行能純易俗吾奚敢將  
無養道真

夜熱次林九二首

中宵猶酷熱初伏未秋風汲井分寒水休燈散  
羽蟲宦情深自損肺氣更相攻象魏天蕭爽衣  
冠日會同

其二

雷霆慳小雨巖谷斷微風北雪陰山裏南州大  
火中迎秋草木異愛月女兒同內熱兼多病賡  
歌愧未工

丹青閣

建州丹青閣清切建城西雲棧浮高壁風松出  
透溪水枯沙漠漠秋晏樹淒淒多壘關山裏銷  
憂聊杖藜

登建州浮屠訪僧道林

浮屠秋獨立千里見氛祲水閣風長盛山城日  
易陰赤霞留鶴晚黃葉住僧深世事宜高臥空  
慙支遁林

再遊陶園

太僕遺榮在黃華晚見招鑿池旋日月洗竹直  
雲霄賓客時能至園林跡許遙高秋花雜沓勝  
地不蕭條

暮秋

旅情秋又暮長路更旌旗王氣平三極兵塵黯  
四夷拙慙名已晚病恐志將衰許國微軀在崎  
危善自持

鴻鴈

稻梁荒歲月鴻鴈散江湖避地風霜切防身機

辟俱不愁天曠絕長恐事榮枯二月陰山暖歸  
心慰遠途

北征

五年歸少谷萬里赴燕臺戀闕髮毛改感時鴻  
鴈來魚龍已寂寞江漢尚喧豕遠愧青蓮士君  
王愛爾才

章灘

九月章灘水危於灩澦堆黃郎習波浪白日犯  
風雷鳥獸曾何有蛟龍或上來畏途荆棘暗此  
地石門開

憶四弟二首

出門憂汝病清淚至今垂鴻鴈莽相失脊令空  
爾思未依南郭隱真怪北山移夜雨燈明裏商  
歌一拊髀

其二

駑馬心猶壯龍駒產不虛吾衰今更去汝病近  
何如烽火淹魚素關山杳羽書橫門思一出此  
意幾躊躇

崙溪對芙蓉懷林九王七

脉脉崙溪雨芙蓉傲遠天時危花爛熳歲晚葉  
逡巡對影會相憶看他亦自憐秋容長不減吾  
欲贈佳人

寄宗呂

高適不早達才多數亦奇名應造化忌狂與世  
人疑妻子已同志簞瓢長自怡箕山好風月將  
汝結茅茨

寄林惟大

不了林和靖遐心駐薜蘿星文天上有書法世  
間多獨鶴聞清夜踈梅渡暗波滄灣餘故宅猿  
鳥近如何

憶道夫

玉山建亥月漫憶十年前舊驛同吟雪諸君盡  
着鞭客途猶戰伐南楚自風煙異域懷知己沈  
淪爾最賢

寄木虛

吾弟知名早鋒稜不可當交情有端復文體下

齊梁霜驥時猶蹶風鷹勢必揚  
高山讀書處煙雨壓茅堂

雨後陪周用賓杖策尋天目祖花

風雨於潛道藤蘿古殿陰  
祖花傳近代瑤草寄遐心  
應世吾能賦探元女獨深形  
骸百鍊晚未免二毛侵

山中對孫太初食黃精

山中黃精熟作意向山人製  
法隨蒸曝靈根集鬼神腹心  
吾尚病服食爾能純有客乘  
雲氣三尸不累身

十一月朔日登西天目看高峰  
中峰二神僧祖塔因眺千丈巖  
尋雷起處折古松枝扣巨石長  
嘯天風蓬蓬從谷底起偃仆草  
木投宿張公洞枕上漫爾成詩

汨汨衰雙鬢迢迢向兩峰  
一塵消未了萬劫入無窮  
昧谷蛟龍雨玄冥草木風自  
慙增上慢吁駭問崆峒

歲暮尋天台山水



桃源未可極天台煙霧深行歌白雪調坐見赤霞心草次千峰會鴻蒙萬壑陰藏身一大事聊觀世人音

台州觀海二首

獨客長途破孤城幽思多入山忘日月觀海失江河萬事只垂釣故園未偃戈平生挾弧矢流落意如何

其二

迷陽不自覺春遠此登樓落日鯤鵬運一桴天地浮白波心不變青鳥信何由八駿浮雲裏平居端百憂

鴈宕讀壁間詩侯希召云此陳準卿之作也昔與準卿爲月夜遊仰觀天柱諸峰岌岌如墜發狂大叫自以爲奇觀今茲已矣相顧欷歔賦此醉之

鴈蕩清猿夜黯然讀爾詩斯人竟短折吾道日支離二谷看秋月孤峰落酒卮細繡嘉樹傳灑泣向臨菑

觀鴈宕龍湫

瀑布飛不徹大聲空谷哀青山下河漢白日莽  
風雷潭穩蛟龍定歲深鴻鴈來方巖倚天畔吾  
志在崔嵬

潘令席上作軍中樂

張筵潘岳縣笳鼓競黃昏楊柳生南國風雲動  
塞垣揮戈情可念擊楫氣猶存漢主白登道甘  
心出玉門

贈顧華玉太守

客有飄飄者竭來湖海遊雲端尋鴈蕩雪裏過  
台州白業藏賢達浮槎近女牛豐干滂饒舌太  
守是間丘

郡齋燕集答華玉二首

赤城天欲雪歲暮客邊心君子風騷遠良宵尊  
俎深旅懷新浩蕩時事向蕭森作意依劉表移  
家近漢陰

其二

梁園初授簡越客罷鳴琴節序梅花及江湖鴻

鴈深雪歌難却和醴酒若爲斟何限山陰興幽  
居獨許尋

春日發赤城

碧海春信至赤城愁思深雪晴千澗疾日落萬  
方陰畢歲皆行役凡軀故滯淫西歸負良友忽  
爾長蓬心

浙江別王崇賢

避亂安平鎮逢君永夜船何堪萍水跡直落浙  
江邊天子今巡幸空峒積歲年憂心正如搗  
况聽卜居篇

江上贈汝厲侍御之荆湖

浙水重逢地閩州舊話稠雷霆喧獨夜風雨動  
三秋騏驥行堪見鷹鷂擊更優他時有諫草知  
上岳陽樓

登太山日觀峰

東岳乾坤定黃河一縷分日排瀛海浪天入薊  
門雲魯道傷吾志秦碑自夕曛未堪疏遠目萬  
里正稜氛

遣愁

問途青草坂，捩拖白榆林。暑雨東方急，河泥五月深。低回長棄馬，淹泊未棲禽。商調何悲切，從誰覓賞音。

北風

北風天際下，舟楫夜相聞。白草懸胡月，黃沙長塞雲。鸞旂猶小隊，虎旅盡高勛。崖岬睽乖久，人今已勒文。

隱憂

四海俱疲敝，中原且力支。路難惟蹭蹬，心苦有棲遲。草澤龍初鬪，天山矢更遺。無由濟社稷，哽咽送年衰。

出門

去國淹年歲，出門仍糾紛。未回塞翁馬，空有野人芹。山海隨黃燾，風雲駐五軍。遠慙東方朔，談笑諍明君。

滄洲夏夕

失意對蒲柳，滄洲昨夜風。野雲依暮笛，客况近

秋空司馬多年病  
虞卿薄暮窮此生  
隨造物行  
止合飄蓬

對月懷閩中諸子

潞河今夜月却望晉安城  
少谷堂猶在東峰花  
正明旅愁存世故  
鄉夢逐人情  
展轉懷諸子  
風沙吾獨行

大田篇二首

內使調鷹犬呼聲動遠陞  
萬方多事後千騎  
大田時關塞回金氣  
旌麾把健兒  
璜溪垂釣者能  
載副車來

其二

禁直三千士長舉鎮國旗  
甲戈迷塞月繒帛款  
胡兒大禮初回蹕  
春原更打圍  
後車載光寵不  
數漢昭儀

夢惟可爲余作山中草堂

天末夢君子山中營我廬  
江湖無利涉家室且  
安居梅福機事早  
鄭虔生計疎  
京塵今始便騎  
馬亦樵漁

秋晚直南省二首

南宮秋晚直更鼓不勝殘鴻鴈夜仍度風霜天  
正寒宮車延北望越客滯南冠三輔胡塵裏聞  
鷄未敢安

其二

清宵夢不徹鴉啼深樹間羯胡同漢月陵寢在  
燕山青草乘時長黃旂何日還因風候邊使咫尺  
見天顏

送汪希會還武昌題得彭蠡

彭蠡何時定康郎水尚多魚龍冬不蟄日月歲  
相摩楚客思芳草江城未凱歌星檣候風色安  
穩犯鯨波

黃巖黃宗賢爲余築室羽山招與共棲未  
果守官鬱鬱輒有東路之思柰故鄉多難  
欲歸不可行當赴其招矣記興二首

不分委溝壑上林安一枝官隨年少後拙負故  
人知彝鼎終難就簞瓢定不辭故園方苦亂去  
採羽山芝

其二

萬事無何有風雲信所爲此生依鮑叔何處覓  
鍾期驟裏懷長路芙蓉惜後時嗣宗元玩世不  
恨步兵遲

答孫太初

平生孫處士雲水誼難忘遁世思公輦卜居真  
此鄉名高多寂寞道在亦翱翔徐福終入海蓬  
萊意甚長

答林德敷

曼倩淹平世揚雲困太玄此生元濩落夫子最  
相憐跡逐捐金市心卑扣角篇鯢桓去不遠脫  
屣歲寒天

月下聽王稚欽彈琴

昭文鼓絲綺六氣指間流王子梅花思飄飄下  
隴頭月華終勝雪商意自成秋今夕西方夢佳  
人不散憂

送陳生赴韶州戎幕三首

閩海三山下韶州五嶺南東風鷓首去長路馬

蹄諳蠻井歌堪聽軍門劔可談丹砂真易得吾  
欲解朝簪

其二

月下棲烏樹天邊過鴈羣生涯隨逆旅幽獨倍  
憐君百粵茲多難今時未尚文南遊得蠻府愁  
殺郝參軍

其三

已息河間轡仍麾嶺外旌艱危一命寄牢落二  
毛生銅柱時存漢烏蠻歲厲兵憑將攻守策恍  
慨說花卿

讀魏鈺詩

魏鈺新聲出篇篇有古風夜珠光照乘天馬勢  
行空邑宰深相識經生本自窮昆城依隱地祗  
憶鹿皮翁

邊將

十月黃沙動陰山白雪高胡雛憑剽殺漢馬辟  
羶臊王道須無外天戈自有操莫令耕稼地歲  
歲泣弓刀



弔劉蕡祠

自昔悲歌地劉生有墓祠  
祗餘經世志况值諱  
言時去國英雄盡還山  
事業遲黃金舊堂北搔  
首動遐思

寄徐可大黃門

往年遊白下汎愛有徐卿  
令弟今相問憐君久  
振纓歲星還自照諫草未全行  
謝傅東山臥秋  
風社稷情

寄汪令希舜

彭門當太白劔閣帶青城  
此地神仙窟春風枳  
棘情桃花栽欲遍蜀道去還平  
知爾丹成日雙  
鳧凌紫清

送人遊衡山

衡山開漢沔高者祝融峯  
羨爾爲官地看雲長  
道容齋居夢波浪冬日見魚龍  
定有冥棲客巢  
君紫蓋松

送龍相赴榮府

去爲朱履客瀟灑向王門  
君有神仙質官曹入

故園乘風帝子閣種木武陵源莫弔長沙傅荆  
蠻處處猿

白鶴

廣野聲仍度華軒意不忘只疑霄漢遠其柰網  
羅長宿處隨鴛鴦鳴時學鳳凰終當蓬闕去天  
路永翱翔

冬夜過王稚欽

禁木棲烏盡城樓戍鼓催暝移中散駕時接仲  
宣才道術吾全未詞場力擬迴清風廣陵散愛  
爾數能來

贈宋鴻

憐君羽翼晚矯矯若驚鴻夜躡燕山雪春生楚  
澤風霄漢去不極稻梁行當逢遐方倦飛鳥猶  
自觸樊籠

題夏仲昭畫竹

蒼梧春欲至翠篁風雨深雲稍灑不亂流影下  
湘陰杳矣虞妃淚悠哉君子心鳳凰去已久對  
爾想遺音

人日得諸友書六首

歲晚通明閣登臨念我深故山歸未得叢桂蔚  
森森人日雙魚信遠天黃鳥音如何莊舄貴翻  
動越鄉吟

其二

聞爾浮南海鯨波隔歲回翻將謝傳典轉作步  
兵哀地到朱方盡舟從日下來交州拾蕙苾誰  
識葛仙才

其三

吾愛方山老巖崖湛世情成都賣卜久不道是  
君平文陋齊梁體音收正始名赤霄天驥步他  
日與橫行

其四

女方尋九鯉余苦憶丹丘蕘茨生無盡璫花采  
未由菟園枚叔侍牛渚客星浮杳杳孤槎外相  
思天漢流

其五

不跨山公馬春今薛老峰前時紫芝曲尚繞白

雲中霄漢慙棲棘泥沙想蟄龍明朝解組去共  
醉薜蘿叢

其六

爾同鄴下士染翰擅詞場余豈東方朔猶含漢  
署香放身滄海上得句白蓮塘遲暮思君子春  
來數鴈行

送人遊鄴下

鄴城魏七子文藻亦吾師四牡君今去風流端  
在茲荒蕪銅雀榭寂寞武安祠獨有韓陵石黃  
沙歲歲吹

部直

春懷耿不寐悵望宛京天鶴到中宵唳星分萬  
井懸燕雲時少耗郊禘日虛傳常想南昌尉先  
存諫諍箋

送張汝州

汝水元依洛嵩山直配天今君簿領去兼結水  
山緣世路黃塵裏官曹紫邏邊誰能廢組綬跨  
鶴去翩翩

聞道

聞道漢天子身封鎮國公家初營上谷臣得賀  
離宮鐵券傳何急將軍氣盡雄郊牛凡五卜車  
駕想河東

送陳思獻赴金陵

昔慕蔡夫子今知陳使君深居避矰弋用志到  
羲文却向金臺別翻將寶劍分秣陵依隱地養  
拙幸相聞

河隴

河隴時多事兵車歲幾奔猶聞遣太僕長計向  
軍門胡羯方酣戰驍驍盡不存西歸報天子  
已到渥洼源

西山雜詩三首

春盡一到此散愁幽意繁西湖草已綠南國桂  
應蕃宮殿浮今日山河控北門時艱羨飛錫來  
往給孤園

其二

昔日西湖釣宣皇遊幸來至今鮫室裏彷彿

錦雲開歲月芙蓉殿關山龍虎臺東巡志更遠  
誰挽八鸞回

其三

西山五百寺多徬北邙岑土木春巖盡樓臺海  
霧深僧皆傳玉食地更壘黃金縱日翻愁極長  
安歲歲陰

送洪南安

平生洪大理樸直古人心執法漢庭上春風吹  
六陰一麾橫浦去相失度山深他日逢梅使聽

歌行路吟

伍中丞擬歸田索題

伍公江海思魚鳥久相安擬逐鴟夷去翻憐鏡  
豸冠蘿雲藥圃細竹月錦堂寒矍鑠風塵裏憂  
時且攄鞍

周公器弘治初爲慶符令賦詩追憶之

周君爲邑日江漢盡桑麻帝力誰知識長安無  
狹斜但將九溪水頻灌慶符花遙想彈琴處南  
風吹未涯

余侍御珊喜湖

柱史湖邊宅柴扉開皖峰晴天迴鸛鶴暮水迥  
魚龍芟服身偏穩漁竿意可慵眼中秋浩蕩爲  
爾咏芙蓉

荒村

荒村連日雨散髮不曾梳歲月報恩子生涯種  
樹書無因致故舊豈是愛空虛門巷矐矐日輕  
車恣所如

鄭少谷先生全集卷四

鄭少谷先生全集卷五

閩中鄭善夫繼之著

後學鄭奎光章甫訂

五言律詩

送人歸渤海

爾去秦臺上秦臺秋正繁城深渤海郡草歇樂  
陵原蓬閣風雲至若華波浪翻看君有道氣早  
晚共騰騫

送人之宣州二首

白也風流處雲山滿意幽茲爲宛水隱况得敬  
亭遊桃李含清夜梧桐下素秋澄江淨何日轉  
憶謝宣州

其二

宣城仙聖地山水作名州石控琴高鯉江深謝  
眺樓白龍降已久黃鶴喚何由爾去乘雲月飄  
飄過十洲

送屠文治侍御使蒼梧

衰颯仍乖別羈棲幾過從駑駘無訃  
秋空銅柱扶桑下鬱林滄海東南分  
不類秋蓬

張子言家移旋覆草

旋覆知名草秋齋不住花羣芳盡摧落此地且  
年華坐領幽人意行辭處士家相看到霜雪採  
掇輔丹沙

吾邦

喪亂秋風起吾邦爾獨回徒傷羈鳥賦不見釣  
龍臺少谷芝仍茁南昌角正哀建安七子下流



落仲宣才

送蔣君佩視弟還譙

太丘二令子伯也是難兄櫪下垂騏驥原頭過  
鶴鴝燕關共臥後亳社獨歸情萬國今戎馬愁  
雲日夜停

屏息

屏息經綸志棲遲間闔雲風塵蒙不解龍虎亂  
相聞祗有還山夢空餘諫獵文長纓繫越頸感  
激漢終軍

薛君采見過

薛稷過逢日新詩向我傳聊炊太倉米一誦陝  
郊篇薄宦虛談劔危時合引年秋風下滄海擲  
置廣文瓊

題虎溪三笑圖

東林卓錫地宛在崑崙西蓮社誰堪入廬峰不  
可梯一空無色相三笑豈菩提便合攢眉去甑  
陶過虎溪

送林以乘謫夷陵二首

宜都三峽口遷客意如何落日黃陵廟秋風駭  
浪多巴蠻伐鼓祭江女踏蹄歌莫唱渝州曲猿  
聲近汨羅

其二

水部青雲志憂君雙鬢斑同時諫羽獵獨爾竄  
荆蠻波撼黃牛峽天連白虎關棲遲下客食直  
以長瑜還

秋月

秋月長安社光清太液池蟾蜍終不

阻絕却

何之鐵騎喧今夜金波及四夷關

向遂中吹

思道約遊西山病不赴漫答兼問宗林二

首

嗟爾棠陵客乖期秋獨歸香山有夙諾幽事忽  
相違木石機心損雲霞朔氣微時時夢魚鳥未  
返薜蘿衣

其二

昔遊湖口寺猶記釋宗林語我菩提樹恒河深

復深風沙晚識面江海後知音白鶴翩翩去青  
天何處尋

聞西江亂

乍發洪都使風傳消息回荆吳得劇孟江漢尚  
深哀畫角連城動黃衫自將來萬方思繫虜寧  
乏亞夫才

十日對酒姚氏園二首

野老經時病深秋出郭情輞川聊對酒京洛未  
離榮小水行丹壑餘花藉綺楹松山卷何  
恨暮濤聲

其二

病跨山公馬秋過習氏池遠天鴻鴈盡昨日菊  
花期碁局翻相惱鷗羣總不疑生涯抱甕外一  
任隱君爲

上毘盧閣二首

遠上毘盧閣崇高望不稀關山仍此地城闕自  
斜暉羽檄流星過行營萬馬圍漁陽暮色至引  
頌翠華歸

其二

閣迥臨虛曠秋高入渺茫  
燕歌動易水駿骨望  
昭王日落城笳起天寒塞草黃  
揚雄輟扈從空  
自賦長楊

城戍

戍鼓長鳴夜軍容更入朝  
北風塵漠漠南討意  
迢迢祗有蒼梧狩能無黃澤譚  
遐方盡玉帛八  
駿自應驕

陳執之宅同諸君酌菊二首

秣抱霜雪姿風沙悵獨悲  
親朋更此地酌酌對  
花枝栗里歸心遠瀟湘秋事遲  
東君不相識只  
自向華滋

其二

繡衣都下宅叢菊好花枝  
延客尊壘罷良宵風  
露垂娉婷豈自媚遲暮宛相宜  
故國鼇峰上繁  
英今滿籬

冬日順門陪九卿請駕視牲

春曙復冬初仍瞻白鷺車  
禮從郊廟損天入震

離虛江漢哀戎馬巖堂望諫書生慙百里子去  
國意躊躇

送蘓侍御從仁使蜀

驄馬今何去玄冥歲已殘風雲行劔閣鉦鼓動  
松藩事在西戎部功虧舊將壇懷柔亦邊略要  
識 聖恩寬

依依

獨有南冠客依依郭氏臺未酣燕市酒翻惜隴  
頭梅漢戍連城動胡關千角哀縣金買駿地徒  
使壯心頽

夢王伯安與論學

美人入我夢惠我白雲詞述作何多事經綸非  
爾時空齋下鳥雀深水伏龍螭尚愧瑤華贈悠  
悠江漢思

東顧華玉

在昔過逢日天台山雪生何期易水上同憶赤  
霞城杯動青春色堂含滄海聲終焉謝朱紱攜  
手石梁行

送人之贛州

西江兵亂後作宦意悠悠祇愛青油幕高橫白  
鷺洲風塵鄙下戰歲月贛江流應羨陶皮隱桃  
花開未休

贈方梅墅

方于樂道處小墅野梅開對客翻高調飛花片  
片來蘿雲蒙臥榻隴日照行孫不耐王孫思春  
深未却回

送人之惠州

名家參政下獨覺仲容賢宦轍今何徃早棲此  
最便物情滄海俗天氣百蠻煙祗近啼猿樹鄉  
心日夜縣

馬伯淳西歸

與君同去國別路各悠悠吾邑東海上終南西  
雍州何時報縞帶於此解紆裘萬事將慈母長  
歌涓水流

春暮遊城西寺

毘盧千佛閣近在綠雲中客到虛無岸春歸鶯

燕叢燕臺望不及古意渺何窮擬入東林社殷  
勤向遠公

山人

呂公嘉遯處雲鳥靜相親日與嵇中散沈冥山  
水濱鴈蕩斜連海桃源直避秦齋居玩易理龍  
性可能馴

別林克相二首

鄴下傳詩句滄洲拂釣竿正思龍臥穩翻惜鴈  
歸難燕壁雲回合閩關天鬱盤飛騰最憐汝慳

慨一彈冠

其二

汝復彈冠出余今解綬回平生一掬淚灑向黃  
金臺戎馬東南劇鼓鞞城闕哀無能奏羽獵翻  
愧子雲才

贈吳生

稻梁荒楚塞鴻鴈尚安歸祗避雲中彈冥冥天  
外飛子有鸞鳳質枋榆非所依風塵好自惜莫  
損綵雲衣

贈山人受封

念彼南山隱南山鬱自怡時聞春雨外高倡紫  
芝詞猿鶴心同遠裘羊徑不緇莫嫌兒女笑宮  
錦照龐眉

崑崙子

君本崑崙客巖屏星漢連流沙拂袖去迷作爲  
誰傳紫芝秀可掇青牛何當還異時求物色蕭  
颯白駒篇

安陵阻風

落日安陵上荒蕪望薊丘風沙無晝夜家室此  
淹畱江漢悲多故干戈賦遠遊河清是何日吾  
志欲東周

遊金山寺

地控恒沙界峰迴滄海波潮聲永夜壯雲氣秣  
陵多龍窟存光怪鮫宮湛綺羅黃旂蔽江左何  
日返天戈

贈杭方伯兼柬東卿提學

邠原猶薄宦疏廣已遺榮無復周王獵誰矜釣



渭名余亦武夷去探元學久生逢君五湖畔北  
眺有餘情

同晉陵諸子遊水西二首

共有煙霞想言過西水潯薜蘿迷遠近魚鳥入  
高深花氣含風滿山堂附郭陰宴酣忘主客誰  
賦越鄉吟

其二

喜到晉陵郡行逢諸子招竹林初散帙槐樹已  
鳴蜩遶徑馴朱鶴通池接畫橈遙思荷篠者去  
作羽山樵

陳遂初進士邀宿頰谷草堂夜觀西湖漁  
火

稅駕歸閩土尋山入浙中客情逢勝友東路任  
飛蓬夜艇流漁火秋杯折渚筩巢由聖世事直  
北大明宮

錢塘映江樓冥坐觀潮

錢王此開濟旋入宋山河潮汐秋來壯雷霆水  
上多尚傳江有怒翻恨海無波颯颯攢陵樹悲

風日夜過

過孫山人茗溪舊居

耿耿憶孫楚溪邊青竹門未同茗水月竟失漢  
陰原壽天真詮外風雲孤夢存平生少谷榻獨  
下向誰論

寄施粵之侍御

南昌隱君子寄跡綠雲端念爾神交久慙余色  
會難此時歌伐木伊昔阻風湍何日下縣榻相  
看黃籜冠

碧巖下小憇望太湖

長夏碧巖好蕭蕭千竹林看山白屋靜息駕古  
藤陰震澤驚波在洞庭歸鳥深楚臣新去國漫  
有卜居吟

謁孫太初墳二首

草堂琴瑟罷羽化竟何如那復烏藤杖空傳白  
鹿車沙湍且鷗鳥天地卽蘧廬白首林君復終  
無封禪書

其二

伊昔丘園隱風流誰似君談詩振大雅抗志入  
高雲宅擬王官谷山名太白墳寥寥廣陵散定  
向夜深聞

宿歸雲菴

澤國變元氣名山畱晚芳雲藏伏虎寺花近挂  
瓢堂鶯鶴飛騰遠漁樵言笑長沉冥達者事散  
地卽慈航

寄赤城諸子

自別赤城去藏身金馬門尊鱸心獨苦林壑道  
何尊萬事風波過三年魂夢存終焉共攜手採  
秀入桃源

贈張南陵

張翰風流在南陵谿谷間一爲香案吏便得敬  
亭山飯飽鱸魚味身隨鷗鳥班後期望星漢知  
爾御風還

宿勝果寺

游吳復適越漫宿贊公房小隱薜蘿密大觀江  
海長鉢龍蟠夜壑雲邃語秋堂稍覺菩提長森

森松樾涼

贈秀公

不作尋詩計沉情日閉關牛車載上乘錫杖拄  
空山玩世風塵外放身花鳥間秋齋食橡栗見  
爾好容顏

題潘山人水居

習靜不出郭著書長閉門烟霞結白日薜芷避  
縑氛巾烏從吾好鍾彝有道存理名愛蔣詡多  
事陋揚雲

荒村  
重

荒村連日雨散髮不曾梳歲月報恩子生涯種  
樹書無因致故舊豈是愛空虛門巷曛曛日輕  
車恣所如

贈葉少府

吾聞隰城尉通練更文章坐掃封狐兔行開射  
鳴堂詩篇窮地秘海水識風涼似爾紆黃綬巢  
雲意不忘

行宋宮故基

西門數頃地舊是帝王宮  
復道清波沒粧臺碧  
蘇空王侯混喪狗臣庶  
議從龍莫謾歌禾黍山  
河涕淚中

吳山

吳山入闔閭佳氣自蒼蒼  
洞窈通仙隱龍盤集  
吉祥猶宜雪後對莫爲歲寒妨  
所歷多酸鼻  
山耿不怠

鳳林

鳳林五百戶活計在山溪  
野碓遠隄水晶田高  
治畦新年傳糗餌舊俗誦豈口  
提生女無人育男  
長少娶妻

劣崩峰

盤礴地靈在東南天柱高三江  
轉燕尾百粵亂  
牛毛未出無生網難忘大覺刀  
巢雲定何日萬  
國且旌旄

九日方山登高

方山五片石巉巖七千尋  
氣象恒嵩敵風雲歲  
月深百年大夢寐九日此登臨  
願卸紅塵累崑

棲長道心

耳鳴

官司忽失職雙耳自今聾盡日聞天鼓何時聽  
麼蟲向人艱應答於世類冥蒙未老神俱耗勛  
名涕淚中

寄華玉

瀟灑顧吏部爲邦日漸多人心興禮樂世事入  
風波剡曲舟堪誦濠梁道不磨向來巾子雪堂  
構合如何

新昌縣曉行

暝發新昌縣晨臨赤土隈秋花隨地有渚鴈與  
雲來雜樹炊煙出前涇山照回忽聞歌伐木行  
路興悠哉

繡嶺曉行

繡嶺行不極盤山霄漢長誰將釣渭意同寄鴈  
湖傍野宿雀芋飯巖居木槿牆晨征莫相失雲  
氣正茫茫

金山紀勝

楊子宅前水東溟勢欲吞乾坤真浩蕩島嶼盡  
兒孫石舞風波作龍歸日月昏平生愛飛動長  
劍倚崑崙

集勝果寺分得眠字

寺閣茲辰會賓朋盡世賢雲山兼勝日巖壑得  
高眠移席竹林晚題詩花蕊妍燕鴻何意緒來  
徃各翩翩

遊爛柯山同楊節使二首

太末徐王國青霞洞府名江山其吾子風雨若  
平生錦樹巖扉淨秋杯雲鳥明應悲看碁者柯  
爛未忘情

其二

峯嶽千峰下天開姑蔑墟地靈蕃玉蕊神至響  
雲車未破人間局先緇石室書茅靡入道術歲  
晚莫踟躕

風雨過南關

元亮東歸日長途菊正斑寧辭彭澤米早得匡  
廬山雨勢秋崩峽雲陰晝阨關回思鳳凰閣吾

已得生還

贈姜建州

南遷爲隱吏山水興難降客至丹青閣時翻白  
玉缸諫書畱御榻惠政及隣邦若訪漢陰老知  
余是姓龐

送李曲江

李子新爲令南遷百粵州梅花過庾嶺吹蒲曲  
江頭鵬運天池暮槎停星漢秋丹砂好寄與早  
晚上羅浮

寄倪南雄

京華相別後聞爾亦南圖笑解銀魚綬坐分銅  
虎符山蟠五嶺厚俗到百蠻殊千里梅花使春  
風好寄余

送王文輝遊武夷

王郎不肯住脫屣武夷山學道心長苦尋仙鬢  
欲斑魚龍淹海日鷺鸛厲天關何限滄洲典希  
君其一板

送公衡韶州省覲兼懷倪南雄李曲江二



首

爾往寧親日千花春未稀此行無道路綵戲及  
庭闈王勃才名盛孫登世事微如逢始興守道  
我釣魚磯

其二

擬此過逢數何期迅別愁青山河庾嶺滄海近  
韶州猿狖聲堪聽枕榔葉正稠風煙易春暮須  
及曲江樓

暮春湖上

滄溟春欲暮湖上芳草生風煙吹不斷遙帶鳳  
凰城萬事兵戈外孤臣藜藿情何當拊神物談  
笑掃欃槍

詹文化

報爾龍頭選才名我昔聞鳳凰今有象騏驎直  
空羣黃散經綸事金滕禮樂文更期射三策早  
晚奏明君

夏公謹

四海夏公謹平生道未疎豈爲青瑣客不問白

菟裾帝業維新日  
皇輿草昧初看君  
抱經濟獻納定何如

戴宗道

小戴青雲器明經正顯行  
以茲先後甲知爾廟廊情  
樗櫟人俱棄鳳麟世必清  
經年無一字何以慰平生

林克相

厓老本釣侶經綸今若何  
自來科目選祗爲利  
多江漢波初定夔龍道不磨  
南冠有詞賦萬

古卿雲歌

梁日孚

梁鴻終自潔祿仕蹇棲遲混世名  
爲佛修身早得師  
兒童送我意俯仰別君時  
何日長安市相過筇一枝

方思道

方郎天下士慷慨古人稀  
刎頸交惟女同心結到誰  
江湖同苦別霄漢獨雄飛  
遠媿朝歌叟中興淹桂枝

汪希周

崇陽汪武選識汝自京華拊劔平江漢經年別  
室家飛雲收虎帳戰馬返龍沙長揖青門外何  
人善種瓜

林德敷

聖后乘元化江湖思致身君居財賦地况作廟  
堂臣勛業時堪就鱸蓴興莫新何當逐狐鼠同  
看帝城春

鄭伯興

吾宗賢吏部昔往鹿門山應世身難臥探元意  
自閒山公啟事近龐老攜家還余亦隆中隱接  
君牀下顏

蘓天秀

吾憐蘓太乙磊砢長安豪釣罷渭川獵名馳天  
漢曹言余亦善士拊已媿時髦徐稚平生義還  
山解佩刀

姚元肖

接手燕昭國倥偬十載前烏栖空繞樹鵬轉自

橫天撫世緣知己掄才後少年君看越石父客  
禮竟虛傳

顧九和

崑山顧學士十載縮銀魚勛業天人策行藏封  
禪書與君成去住謀道竟何如先帝焚香在  
皇情可但虛

陸子淵

成賢真此地理瑤席爾司成述作回中古機雲媿  
後生華亭鶴正唳蓬海鴈長征結誼風塵上看

君萬里情

寄劉希尹吏部兼懷薛君采二首

長安薛子宅對爾誦驪駒雲樹懷良友風塵媿  
腐儒看山費日月憂國阻江湖方朔金門下藏  
身道不孤

其二

薛郎成小隱舊宅定荒蕪萬事將雙淚經年無  
尺書身隨梅福去病與馬卿殊白日調龍虎飛  
騰意有餘

龍門西象頂望海

浩蕩窺南紀長天望正繁北風青嘯海高浪白  
浮山舟楫思兼濟雲霄悵獨還何當泝牛女重  
扣紫皇關

岳江送黃伯固大理赴白下

大理平生友相看涕淚存諫書君最切往事我  
難論放逐心無盡巖廊道已尊願將金石志長  
報 聖明恩

送人之鄴

浩蕩夷亭意經過鄴下來王門占玉節春日上  
銅臺遊子牽多夢高堂候舉杯薜蘿江畔草應  
挽使船回

明妃曲

明妃初出塞宛轉意何窮上馬琵琶曲流悲入  
漢宮自言妾命薄萬里去和戎今日薜蘿草青  
青向隴中

木虛過青野堂夜坐

小坐同吾子荒齋寡四隣林鶴鳴近夜山月迥

隨人太乙青藜杖先生烏角巾中宵莫說劍恐  
益鬢毛新

訪吳山人隱所

脫屣吳居士尋君江水遙雲房生夜氣薜蘿散  
春潮榻靜聞空籟情高夢九霄從茲畢靈寶不  
赴小山招

荅陳天游

淑氣回南紀文星傍省堂猶縣滄海月留照紫  
薇郎學道防衰晚愁時應帝王思君直咫尺一  
夕鬢毛蒼

湖中寒食

湖上逢寒食行行雲日迷林花相映發只似武  
陵溪遠水清煙並高楊黃鳥啼年年對芳草古  
意滿城西

荅林貞孚主客

憶自秋風起虛傳奉使回未拊池上珮翻失隴  
頭梅堯舜垂衣日班揚奏賦才黃金散朝士知  
上禮賢臺

送吳德翼僉憲赴闕

使君今赴闕春典定脩然江漢黃華動風雲錦  
纜牽星移南斗下路引北堂前願有華封祝  
天朝壽萬年

夏夕青野堂臥月

海月團芳夜園廬引緒風琴書棲榻晏巖壑與  
人同尚澤南山霧終懷北極楓黃虞忽到夢伊  
鬱臥隆中

入海

滄海鷗波外雲艘迥自航大江沉馬腹密雨濕  
魚梁未及星槎遠那知天漢長漁竿變孤志翻  
愧紫荷裳

太末憶方思道

遠憐方比部經歲斷來書何日垂嘉樹青青拂  
敞廬累憎鴻鴈響三見柳條疎幽獨疲孤夢松  
齋月正虛

答顧華玉叅政

吾憐顧長康吏隱近滄浪學道通元窳蛟龍翊

爾翔雲回朱鳥國花照紫薇堂授我冥筮意相  
期天漢長

閉門

經歲避塵緣時參道德篇柴門背海閉鷗鳥受  
人憐桂樹栽成實松花採作團微官渾忘却唯  
記孝皇年

聞薦

逋客晚知幾西山言採薇長安三丈雪而我賞  
心違隱處無人識薦書何事飛冥鴻天萬里空  
遣弋人歸

早秋懷晉安諸子

搖落菱湖晚湖邊鷓鴣鳴秋風吹桂樹一佇越  
王城榻有南州重人兼衛玠清還聞刷羽翮看  
爾其蜚聲

寄贈石室山人

安期待世界挾策西入關吳老遵牛渚乘槎釣  
不還行藏元氣裏弓劍彩雲間何時畱玉舄去  
入蓬萊山



病中

避地拋銅墨風霜歲屢更  
那期鳳鳥至亦遣伏  
雌鳴久病丹心苦  
中年白髮生如何  
張仲蔚却掃臥昇平

出塞曲二首

黃金凋鵠印白馬出榆林  
瀚海行人絕陰山殺  
氣深漢恩長北損胡騎  
日南侵一唱丁都護  
三軍淚滿襟

其二

天王開絕域上將喜邊功  
塞外風煙異軍中苦  
樂同龍旂凋朔氣  
虎帳臥胡風未繫單于頸  
橫戈意氣雄

送楊明府入覲

雙闕玄霄上三山滄海邊  
雲遶望鳧舄明府似  
神仙曲報離城調琴希  
清廟絃煩君告天子  
百姓尚顛連

克相過草堂別去余病垂死  
詩來見懷呻吟中答之

喜女文章貴相過成笑言追陪憎病骨風雨別  
柴門會苦青衫濕情多白髮繁形骸已近死誰  
復與招魂

病中哭伯固二首

我眼雙枯盡那堪更哭君平生猶鐵石靈爽定  
風雲葵藿雖同志凰麟不戀羣吾徒向凋謝誰  
輒太平文

其二

去年白下去送汝芋原陂今日湖邊問俾余雙  
淚垂終爲諫議鬼竟失帝王師已矣先朝事傷  
哉此盛時

陳少府鑾

吾憐陳少府獨抱明月珠五載官閩土春風生  
向隅縣知水薤意頻握玉麟符霄漢聲名早看  
君受劍車

張起溟約過草堂爲傳卒所誤

君是峨眉秀余慙南海琛並期歌白雪何止斷  
黃金接手難如此浮生感獨深閩關及漳水魚

腹莫教沉

答林白石大叅

歸釣龍溪水君胡亟失時豈因白石爛竟賦綠  
衣詩拙抱江湖愧賢於弼亮宜重華迹已遠吾  
道欲何之

七月望遊水西白鶴寺乘月泛峴江

愛爾東林社乘秋到藥宮招邀滿童冠歌罷舞  
雩風鸛鶴黃庭莫巾袍白露中西江上雲月歸  
艇意何窮

送季明德應召赴闕二首

接手爲兄弟交期共死生雲達易相失三宿晉  
安城海內風塵切秋邊鴻鴈鳴飛騰未時莫萬  
里好長征

其二

相別無一語相觀情自閒風雲感壯士江海散  
秋顏道已干時禁人須涉世艱去鄉莫草草遲  
爾陽明山

琅琊王墓下作

田文全盛日淚下雍門彈王氏千秋後勞歌玉  
樹殘寢園生兔穴疑塚奠龍盤萬仞蓮花色關  
河望已難

大田讀伯固起溟見和之作悵然懷答二  
首

讀爾懷沙賦潸然繫我思當年分卽死此日已  
云遲社稷還唐介江山哭子期才賢世有幾况  
及聖明時

其二

竭來張仲蔚秀句日逾多豈不思君子其如長  
路何商霖憐我在谷口喜人過終愧箕山隱無  
能守薜蘿

南山贈林遷于比部

憶自隨三釜同歌滄海篇何期傷九日得結碧  
山緣江漢兵戈外風煙魚鴈前相看未忍別更  
上木蘭船

莆口之敗福寧兵最無紀律大縱掠金以  
致肝腦塗地賦詩傷之

閩粵何多難興漳師未休虎豺行白日天地泣  
清秋欲擣羣兇穴須梟敗將頭兵貪法半至遺  
恨福寧州

劍州贈陳待用太守

鬱彼神仙府雲驂迥莫扳言將五袴手滿弄九  
華山紫蓋風塵表黃堂霄漢間因君覓神物劍  
水有龍螭

鷓鴣

鷓鴣無拘碍浮游錦石傍雌雄互飲啄毛羽割  
陰陽已得滄洲趣寧思天漢翔並生大化裏幽  
獨闡文章

不寐

反側終難寐寒天候不明經旬淹厲氣永夜厭  
灘聲萬事呻吟外他鄉兒女情還聞喪良友展  
轉涕交橫

哭遂初

良友看餘幾今年報女亡江山有頽谷風雨泣  
秋堂元氣能無損星文定不光連宵激孤志灑

涕向錢塘

送羅 之

聖壽齊天地臣衷効海山  
面陳安瘼疏頭聳觸  
邪冠玉帛奔重譯衣裳濟萬官  
不勝戀闕處時  
事尚多艱

春日懷南湖舊居

南湖不可到幽事自漣漪  
田父春相遣隣翁暮  
與期煙霞隱薜荔風日曛  
鷓鴣豈待清商發花  
時有所思

雙鳧

汎汎長依渚飛飛不度岑  
却無黃鵠志但有白  
鷗心煙水知音舊魚蝦得食淫  
自從葉縣令來  
往五雲深

向曉

河影忽不見東方方小明  
晨鷄許市客秋管海  
邊營起舞者誰子飄零獨  
此生矇矓聽金鑰封  
事轉馳情

朝雨

若木光初 川玄雲復積陰撼江風色勁灑壁雨  
聲淫泉空 人泣天邊越客吟餘情何處訴燕  
雀處堂沒

將旦

曙色浮東海騰騰漸太清明霞低水檻宿霧迴  
江城警柝已罷擊征人初啟行豺豸今挈領豈  
是乏長纓

與方質父登于山

巾烏動高興江山入大觀煙霞幾回首天地一  
凭闌晴日千村晚長風五月寒莫嫌踪跡遠石  
室在人間

雨夜

蕭蕭風振屋汎汎雨鳴樓宿鳥驚巢墮潛鮫出  
水遊客牀沾處濕病枕聽來愁頗羨清江上風  
波不碍鷗

池上

雨靈臨池 鷗平縱步宜濕泥勤燕子新水樂  
魚兒病葉 夕下團萍夕更移中吳消息惡吟

賞淚交垂

秋

秋色去

台心悲奈何病妨風土惡愁感歲

時過弟妹流離甚江湖喪亂多滄洲十月雪回  
首釣漁簑

題南野舊居

南山百畝地記得種瓜時風日蜻蜓下犁鋤布  
穀知輞水流水在谷口主人非獨鶴青天外空  
亭自落暉

湖上

愛此湖上雨共君湖上游乾坤雙短鬢江海一  
屈舟煙景初相見春光不可求明朝下西崦相  
望意悠悠

參文殊禪道上得棲字

移舟泊淺渚風日便輪蹄不雨江聲定長陰野  
意齊香厨鐘後飯田舍午時鷄入山應未得聊  
爾學禪棲

次劉

懷金山韻



記得金山  
煙八面開乾坤  
畱柱石滄海失  
蓬萊夜色  
江水春光般若臺  
兵塵兼病眼長  
望幾徘徊

重遊大石次劉德義韻二首

病夫泉石性  
山雨健來過  
花濡迴蛺蝶  
松偃足  
藤蘿隔歲  
青春別同羣  
白髮多  
宦遊殊慰此  
高志未全訖

其二

幽事住雲泉  
湖光遠接連  
寺鐘山意動  
松雨磴

聲懸一壁開  
雲竇桃花隱  
洞天中原尚多壘  
此地合逃嗔

望武夷時與黃元質同賦

客路未千里  
名山已萬重  
歌傳武夷曲  
典落幔亭峰  
密竹幽幽鳥  
深溪隱隱春  
黃生詩句好  
吾得事遊蹤

有懷

獨客路  
夫人天一方  
連宵入我夢  
今日寫新章  
白月故國青山  
皆異鄉  
不堪秋信至  
梧

葉下滄浪

國

